

# QVÆSTIO MEDICA

## CARDINALITIIS DISPTATIONIBVS MANE DISCVTIENDA,

IN SCHOLIS MEDICORVM, DIE IOVIS VI. MARTII.

M. CAROLO LE BRETON, Doctore Medico, Præsede.

*An senibus noceat meri potio?*

**P**ERFECTA dicuntur animalia quæ commixtione corporum & seminum vtriusque parentis generantur, & functiones edunt plures atque nobiliores, idè quæ instructa sunt partibus calidis & frigidis, vt suo concentu sibi inuicem totique corporis molli temperiem concilient vitæ functionibus obeundis consentaneam. Solidas partes fouet spiritus à corde perenniter affluens, is corde ipso calidior est suæ originis momento, quum vteri calore accensus operari incipit, hoc est ipse non vivus vitam orditur. At ne suo in foco proprio ab æstu euanidus vitæ continuandæ esset inutilis, mox inspirati aëris & sanguinis ab hepate illabentis copulâ illigatus, & ab illis resectus abit in liquorem arteriosum pulsatilē perpetui motus auctorem in corde & arteriis, eoque duplici motu rursus ardoris & sordium impariens, toto corpore præstant vberius refrigerium & expurgationem, tum demum maximè temperatur cum ab arteriis in solidas partes dilapsus pleno fruitur consortio humoris primigenij temperatissimi & penè frigidi: interea illas vicissim beat opotum in illis suscitans ignem, & ab humore primigenio in speciem vaporis vitalem euocat scintillam, quæ mox diditur in carnosas. His ea lux nisi affulgeret etiam in ætate quilibet nutritionis & accretionis gaudeant beneficio, illo tamen vitæ destituerentur, vique adeo tritum est ore Philosophorum, elementa inter se dissidentia mutuo complexu in gratiam sobolis eximias suas qualitates complacere, ac præcipuè nostro in genere calorem multo humore mitigatum vitam parturire. Cur eodem quoque partu non semper nascitur sanitas vitæ delicium? Cur nonnulli causarii in pœnam & morbum viuaces sunt? Et contra non raro accidunt sanis & robustis citò senescere & mori? Scilicet alia sunt vitæ & sanitatis principia, quæ vt plurimum consentiunt. At illa interdum delinunt modo dispensat fatum. Hoc verò sibi accelerant homines quibus incautus neglectâ prorsus valetudinis curâ, cibo & potu intemperato vefci volupe est: præsertim si infirmi sint & senes, quos maximè lædit victus ratio omnis calefaciens & exsicicans.

**M**VS ex putri materiâ gignitur: cur equus simili modo gigni non possit naturæ arcanum est, quod mens nostra nullâ ratione potest reuelare: majorem in equo si ais esse organorum apparatus, non persuades; hoc decus homini proprium est qui inter animalia præstantissimus, quod sit mentis particeps calidum innatum obtinuit vberimum, & purissimum. Idcirco illi instaurando materiam suppeditat vmbilicus à matre probè subactam, quam factus naturæ nutu, non pellestus esse voluptate, coquendi labore nullo, omnem sibi apponit, neque nimiam neque parciorē, nullaque vehementi qualitate conditam. Ea est nascentis in vtero caloris efficacia, eaque materiæ puritas, vt rotus ferè migret in substantiam humidi primigenij. Infanti quoque in lucem edito pro vmbilicali liquore mamma læs reddit temperatissimum, neque tamen ab eo æquè prompta & luculenta sit incrementi aut roboris accessio nativæ calori in illâ ætate & totâ pueritiâ, quum nimio natiuitatis humore demersus lentius se mouens, cibum nequit superare si nimius est vel robustus. In senē rursus multo maior est nativæ caloris infirmitas, cui exhausto penè humore primigenio, aqueo exuperante marcescunt viscera, vel saltem eam quæ olim fuerat hepatitis vbi benignitatem non experitur, idè quæ minus firmâ virtutē valetudine. Vna superest beneficentia spiritus à corde influentis: hic verò multâ facie conspurcatus malignè lucet, malè quæ suo officio fungitur, vt illi suppetat vel optimi cibi vberior comæctus illum ægrè conficiat, quid non mali ab eo expectes si edulia solida vel potulenta ingerantur, quæ viribus polleant immodici caloris aut siccitatis; ea certè manebunt cruda, indigesta, corrupta, & ab eis succrescet plurima excrementorum illuuiē, per parentes vias & inania partium spatia oberans, frequentissima & citissima vitæ pernicies dolore stipata, vt quæ à senili marcore paulatim obrepit doloris experts.

**S**PIRITVS vitalis vbi calidum innatum integrat & vegetat temperatus est, is vitam assidue fundit vique ad mortem. At quoniam vt ignis sic spiritus & vita sine continuâ generatione subsistere non possunt, postquam idem spiritum suum opus peregit, nempe aliquam vitæ particulam, necesse est vt aliam denudò instauraret, aliud & omnino diuersum nutritionis munus ab illo obiri. In isto munere vehementissimè feruet partes solidas humoris primigenij custodes pererrans, quin etiam illas peruritur nisi illi moderando comoda quam plurima suppeditasset natura. Aër pulmones & arterias totius corporis & spiritum ipsum vbiq; temperat, neque id satis. Frigidi & humidi porus desiderium insuper additum est in animalibus viuiparis & pulmonem habentibus. Ita ne potius iste pulmones temperet & spiritum, qui cum sit nativæ caloris portio nobilissima, quidquid aqueum est & prorsus frigidum & quidquid calidius est aut siccus fastidit vt sibi dissocialia? Sanè potius non primò in pulmones delabitur, ne stillæ quidem aut rotis more: sed ventriculum subito pleno alueo. Hic chylum diluit, temperat, nec non vbi ventriculi & venarum consuetudine frigus suum infregit, sanguinem quoque temperat, qui deinde multo ferro dilutus cordis & spiritus incendia mitiget. Idè potius bellius aqua frigida vbiq; prostat. Hominem magis iuuat sitim refingere vna diluto quod humidum est & actum frigidum, simulque facultatem continet moderati caloris, quo citius & veluti compendio spiritus substantiam reficiat, vnaquæ illius æstus soletur: quod homini commodissimum est qui jugi mentis agitatione spiritum quam plurimos consumit. Neque tamen tam multiplex refrigerium, spiritui vitali temperiem vitæ perennandæ convenientem valet conciliare. Is enim à cordis quod semper æstans & siccus exit, nec cessat coctionum officinas si non perurere, exsiccare certè & infirmare. Sed quoniam eo modo est castigatus, infirmitas sensum obrepit & diu nullâ euidente labe, solâ temperamenti commutatione per inæqualia ætatum interualla & vices deprehenditur: sed tempore procedente cum primò affectum est hepar, dein ventriculus, tum chylum & sanguinem non benè subacta reddunt: & erunt crede mihi deteriora si merum propines, vt enim facilius est impleri potu, sic etiam lædi si in vitio fuerit, vt est istud portiois genus calidum nimis & siccum.

**S**VCCORVM è plantis stillantium vel expressorum alij prorsus aquei apparent, alios faciliè deprehendes exuberanti spirituum copiâ turgescere, & inter omnes maximè succum uvæ. Hanc vitis diu non sinit sapore acerbato vel acido immitem esse, vim caloris illi insitam promouent æstui soles. Ab his excocta & matrescens diffundit succo dulci, musto nempe quod conflatum est vario & multiplici humore, crudo, vinoso, tenui, crasso, hunc faciem & tartarum, illum vini florem nuncupant. In musto nullam inuenies particulam in quâ non sint confusa ista quatuor, nullam quoque esse puta in quâ non præualeat pars vinosa plurimo vbiq; facta spiritu: cuius vis tantisper pressa mox erumpit & ignem concipit, omneque totius musti particulam in totidem bullas & spumam agens, ab eo impura quæque segregat. Ab eâ ebullitione perfectâ coctione exit vinum, liquor limpidus purus immodicè calidus & siccus. Purum putum putares in vitio nitere spiritum. Is tamen deserbitur quum sepositâ & depressâ omni facie diffusus quoqueuersum, & in minimas partes diuisus atque obitus crudo humore qui etiamnum in vino superest, inhibetur ne suo calore tactum feriat. Neque sic vinum definit acuto & acri sapore linguam fauceque vrere, & interdum ventriculo quoque molesti ardoris sensum immittere, mox enim vt haustum est cæcus ille calor calori nostro additus, crudâ se exoluens materiâ vim accipit indomitam, quam vis ferant robusta iuuenum viscera, nedum imbecilla senum, talem vini meri succum è cuius sinu liquidus ignis, titulo & specie aquæ ardentis educitur, an potum esse dicis? An alimentum? An medicamentum? Verius dixeris tabificum senibus venenum.

**Q**VISQVIS senectutis limen ingressus est, jam tunc incipiat salubri disciplinæ morem gerere, vtcunque viridi adhuc & benè habito corpore sibi videatur vitæ munis facere satis, suspensum habeat vigorem illum, qui breui elanguescens postmodum ceciderit. Celari non potest ætas, curis squallor, hebescent oculorum acies, & sparsa cæces tempora satis admonent siccitatis & frigoris viscerum, & hæc jam tractanda esse mollius humedante cibo & potu, qui etiam mediocri suo calore illa perfundens, nativæ caloris vices obeat. Id agere plerique senes negligunt, iactantes se inconsulto medico liberius viuere assuetos, non posse id ætatis grauissimum consuetudinis imperium detrectare. Verumtamen vt prima valide senectutis tempora sint ferendo victus mori quod spectat ad solidum cibum, non idè pariter impune ferent meri potum cui anteaquis ætatibus assueuerint. Quamobrem nisi eos vitæ fatias tenet primo quoque tempore immutent consuetudinem illam prauam & à naturæ legibus abhorrentem. Naturam si nesciant immodica quæque & vehementia respicere, mediis & moderatis gaudere. Hoc illos docere poterant animalium ortus, natiuitas, vita, sanitas, liquet enim omnia naturæ munia & opera nonnisi largissimâ temperati humoris affusione elaborari & perfici: eademque intercideret & corrumperet, quoties benignum illum humorem vel haurit siccitas, vel immodicus calor adulterat. Iam de nutrimento, cum totus pendeat à probâ chyli temperie, vbi cum siccus & feruidus meri halitus infecit vel adulsit, spes nulla est ab eo qui concepto alieno calore patrium dissilans, deinceps succos omnes corporis perturbet & confundat. Hæc si minus aduertant certè quod visum & auditum quotidie fugere illos non potest, quam multiplici & quam graui infortunio muldentur quicunque senes facti merum bibere non desunt. Illum excruciat arthritis dolorum omnium acerbissimus, qui tamen sanitatem demolitur non vitam; huic poplites oborta artuum duritie contrahuntur, hydropes multi pereunt, tabe plurimi, non paucis ictus sanguinis spiritum intercludit, quos raro à morte redimit æternam mansura paralytis. Assiduo tremore nutant penè omnes: adeo impendunt à mero morbi omnis generis tum calidi tum frigidi: omnium vna causa est infractus à mero nervorum tenor, quod fumis suis catarrhis ciens illos malediceret, vel sicca fux fuliginis aurâ afflauerit. Miserum est profectò calamitatis genus, à quo vindicari expeditum fuerat si mero aquam affundissent. Hac facili ope vino suæ laudes confarent, tanta est in eo sic emendato lenitudo & suauitas, felix nutritio & quæ citò abeuntem spiritum reuocat, æquabilis ejusdem spiritus in corde diffusio latitæ parens, ad hæc mentis totiusque corporis vigor, quæ vini beneficia nullus vnquam senex à mero obtinuit. Profectò vt quisque minimo vino eoque diluto contentus esse assueuerit, ita fortunatam & longævam vitam ducet maximè, qui secus fecerit præsertim ingrauescente ætate, illi quantulacunque vitæ penus reliqua sit in corde, paruo spatio consumpta peribit.

*Ergo senibus noceat meri potio.*

Asserebat Lutetiæ GVIDO CRESCENTIVS FAGON Parisinus, A. R. S. H. M. DC. LXIV.

